



## **Universitätsbibliothek Paderborn**

**Centvriæ Selectorvm Casvvm Conscientiae. I. II. III.tia**

**Burghaber, Adam**

**Fribvrgi Brisgoiæ, 1665**

7. Avitvs non peccat mortaliter, excedendo in cibo, potu, vsu matrimonij,  
appetitu honoris, &c.

**urn:nbn:de:hbz:466:1-40942**

tur. Atque sic patet ad rationes in oppositum.

VII. Auitus vir nobilis aduertit, fateturque excessum suum in cibo, potu, vestibus, vsu matrimonijs, appetitu pecuniae, honoris, laudis, excellenzia, &c. Quæritur. Vtrum peccet mortaliter?

Videtur peccare mortaliter. Tum quia SS. Scriptura & Patres hunc excessum grauiter reprehendunt, ut videre est apud Autores passim. Tum quia grauem committit inordinationem.

Resp. Auitum in his ( per se loquendo, secluso damno, & aliâ malitiâ extrinsecâ ) non peccare mortaliter. Ita ex communiore Less. L. 4. de Temper. c. 4. n. 110. Ratio est, quia, vniuersim loquendo, quando aliquid per se malum non est, sed indifferens, tum excessus in eius appetitione & vsu est tantum venialis, cum in tali re mediocritatem attinere sit difficile, & nullum graue detrimen- tum inferatur Deo, vel proximo. Atqui prædicta, in quibus delinquit Auitus, per se ma- la non sunt, sed indifferentia. Ergo excessus in illorum appetitione & vsu, per se loquen- do, est tantum venialis.

S. Scripturæ & PP. grauiter reprehendunt excessum illum non per se, sed ratione aliquius prauitatis per accidens annexæ, quo modo etiam inordinatio gravis censi potest, qua- lis tamen per se non habetur.